



**Apologia Petri Stevartii Leodii, Theologiae In Academia  
Ingolstadiana Professoris, Ad D. Mavritivm Ibidem  
Parochi, Consiliarii Ducalis Bauarici, & ad SS. apostolos,  
Coloniæ, Præpositi. Pro Societate ...**

**Stevartius, Petrus**

**Coloniae Agrippinae, 1594**

**VD16 S 8949**

Authores Historiæ Ord Iesuitici omnes Catholicos, præsertim autem sacri  
Romani Imperij Ordines crimina[n]tur.

---

[urn:nbn:de:hbz:466:1-70292](https://nbn-resolving.de/urn:nbn:de:hbz:466:1-70292)

arrogans aut temerarius ego, qui pollicear fore, vt magnitudinem rerum à Societate pro communi bono gestarum, æquare possit oratio mea, sed si illud solum effecero, vt intelligatur, immerito & improbissime à nefandis hominibus Iesuitarum famam lacerari, eosq; amore & laude dignissimos esse, omniumque quorum hic insimulantur criminum, purissimos; satisfaetum putabo officio meo.

Nolim autem quisquam existimet, solius Societatis IESV, sed vna etiam causam hīc agi totius Reipub. Christianæ Catholice, quæ nascentem adhuc mirabiliter complexa fuit, eamq; vt firmamentum & præsidium suum singularare, à Domino diuinitus in tanta rerum omnium perturbatione & calamitate missum honorauit & ornauit. Itaque quantum ex hac historia infamie & calumniarum in Societatem IESV, tantum in orbem omnem Catholicum redundat. Et (quod vtinam diligentius perpendetur) quantum laudi Societatis detrahitur, & criminum affingitur; tantum cedit in dedecus ac sempiternam ignominiam Monarcharum mundi, Inuietissimorum Imperatorum, Potentissimorum Regum, Serenissimorum Principum, Illustrissimorum Ordinum Orbis Christiani & Romani. Si namque Iesuitæ tam scelerati sunt, quam fingunt isti; si filij Diaboli; si scelerum omnium auctores; si peculatores; si hostes; si proditores sunt patriæ: necesse est eos, qui illos amant, fouent, & omnibus modis ad se pellicere conantur, Collegia eis ædificant & templo, eaque prouentibus locupletant, vel amare in Iesuitis tanta flagitia, vel ignorare: Si amant, æquè scelerati sunt atque ipsos Iesuitas fingitis vos calumniatores: si ignorant, vestro etiam iudicio sunt stolidi & fatui: quippe, cum nullus eorum hæc tanta crimina in ijs vñquam deprehenderit. Sed omnino, cum non tantum occulta, verum publica eaque atrocissima Iesuitarum scelera configitis, omnes Principes ac Re-publicas ea dissimilantes, eoruDEM criminum, impudentissimi nebulones, reos facitis & coram Orbe toto pronuntiatis. Vnius fortè hominis aut Prædicantis, addo etiam

*2. Ut à calunnijs defendantur Roman Imperij Ordines.*

*Hist. Ord. Iesu  
sculpi. pag.  
17. 19. 24.  
128. 146. 316.*

*& loc. supra  
citat. citatis.*

A 3 trium:

trium aut quatuor, vel scelerata consilia diu ignorare, vel etiam sine suspicione similis flagitijs posset aliquis Princeps aut Respublica impunita tolerare: sed magnam aliquam hominum multitudinem, cuius omnes actiones & consilia ad eiusmodi facinora solùm patranda destinentur, à tot Principibus in suas ditiones admitti, vt libere, quæ velint, perpetrent; fieri non potest, nisi ab illorum sce-

*Sparsum in to  
ta historia  
maxime ve  
ro ubi agitur  
de quarto vo  
to obediencia  
& de priuile  
gijs societa  
tis.*

lerum amantibus. Id enim semper agit historia vestra, vt persuadeat hominibus, omnes Iesuitas nihil aliud moliri, nisi quod spectet ad perniciem nō animorum tantum, sed etiam corporum; ad euertendos quietos Rerum pub. status & omnia bello permiscenda: quæ posterius examinabimus. Nunc illud tantum contendendo, quicquid agant, vtcunque explicent calumnias, quas in Iesuitas iaciunt, historici mendacissimi, eas ipsos mundi Dominos attingere. Num autem hoc ferendum est, vt publicè proclametur, Inuictissimos Imperatores, Serenissimosq; Principes in suis ditio-

nib. alere & beneficijs cumulare homines sceleratissimos, ac publicæ pacis perturbatores, atque eos non paucos; sed integros greges, qui que non clām & occulte id agant; sed publicè etiam profiteantur, & ad id faciēdum Societatem instituerint: imò etiam qui promissis ac largitionibus vel minis quandoque ad foedera rum penda instigent. & com-

*Hist. ord. Ies.* pellant præcipuos Ordines Romani Imperij? Et hæc communia omnibus ferè. Quid, quod nominatim quosdam Serenissimos Principes ac Ordines Imperij Romani perstringit hæc historia, & eorum facinorum apertè arguit, quæ eos meritò, si vera essent, D E O a chominibus intuisos redderent? Sed hæc viderimus posteà: saltem hoc èo di-  
ctum volo, vt intelligatur, in defendenda Societate IESU, etiā à grauissimis calumnijs vindicari Monarchas & Principes Christiani & Romani Orbis.

*3 Ne nomen  
ac honor Aca  
demie noſſr. &  
Ingolſtadien-  
ſis periclie-  
tur.* Præterea, hanc ipsam Academiam nostram Ingolsta- diensem, longè lateq; celebratam, videor mihi defensurus, si Societatis I E S V innocentiam Orbi testatam reddam. Si namq; tales Iesuitæ essent, quales isti Historici impuden- tissimè